

تورکیا

بویوک ملت مجلسی

B. M. M.
Kütüphanesi

Es. No. : _____
Remiz : _____

ضبط جریده سی

یکر منجی جلد

قرق برنجی اجتماع

۹ مایس ۳۳۸ صالی

مذریجات



— ضبط سابق خلاصه سی

— اوراق وارده

— اقتصاد وکالتی انتخاباتی

— محیه وکالتی وکیلی انتخاباتی

— شرعیہ وکالتی انتخاباتی

— مأمورین محاکاتی هیئت انتخاباتی

— حرب قازانچلری ویرکوسی قانوننک یکر می یدنجی ماده سنک تعدیلی حقنده کی قانونک مذاکره سی

برنجی جلسہ

برأ مذاکرات

دقیقه ساعت

۱۰
۲

[رئیس — رئیس ثانی رؤف بک افندی]

کاتبلر : عاطف بک (قیصری) ، حق بک (وان)

یحیی غالب بک (قیرشهر) — اولدی اقدام ! نصل اولمادی ...

رئیس — ضبط سابق حقنده سوز ایستین وارمی؟ (یوق صدالری)

حسین عون بک (ارضروم) — لطفی بک هر حالده دقت بوور مامشدردر . حق بیسیج بکک تام تخصیصاته مآذونیتی قبول ایدلمشدر .

ضبط سابقه نمود سنک قرائتی :

رئیس — اقدام ! جلسہ کشاد ایدلدی ، ضبط سابق

خلاصه سی او قونہ جق . (ضبط سابق خلاصه سی او قوندی)

ضبط سابق حقنده سوز ایستین وارمی ؟

لطفی بک (ملاطیه) — حق بیسیج بک حقنده

تام تخصیصات مسئله سی موضوع بحث اولمادی . (اولدی

(صدلری)

B. M. M. Kütüphanesi
Bu eser Kütüphaneden dışarı Çıkılmaz

اورا وارد :

رئیس — ضبط سابق عیناً قبول ایدنلر لطفاً ال
قالدیرسون ! ضبط سابق خلاصه سی عیناً قبول ایدلمشدر.
خیانت وطنیه ایله محکوم قسطی ایله سلیمان حقنده
عدلیه وکالتندن مورود اوراق حکمییه واردر . تنسیب
بویوریلورسه عدلیه انجمنته کوندرلم .

موازنه مالیه انجمنندن استعفا ایدن ذواتک یرینه
هیئت عالیکزک تنسیبی اوزرینه ایکنجی شعبه جه دیکرینک
اتخابی آرزو بویورولمشدی اقدم . ایکنجی شعبه دن
اتخاب ایدیلن ذوای مبلغ برتذکره واردر . هیئت عالیکزه
عرض ایدیورم .

ریاست جلیله به

ایکنجی شعبه ده منحل اولان موازنه مالیه انجمنی
اعضایقلرینه رفعت بک (قیصری) ، عثمان فوزی افندی
(ارزنجان) ، یحیی غالب بک (قیر شهر) اتخاب
ایدلمشدر اقدم . ۸ مایس ۳۳۸

ایکنجی شعبه رئیس بوردورمبعوی
ولی الدین

ملکیه مفتشی صبری بک حقنده بروسه مبعوثی نجاتی
بکک داخلیه وکالتندن سؤال تقریری وار . داخلیه وکالتنه
حواله ایدیوروز .

ادرنه مبعوثی شرف بکک اوچ ماه مآذونیت طایبی
وار اقدم ! دیوان ریاستجه تصویب ایدلدی . هیئت
علیه کزه عرض ایدیورم اقدم .

هیئت عمومی به

ادرنه مبعوثی شرف بکک اوچ آی مدتله مآذون
عدی دیوان ریاستجه تنسیب ایدلمش اولمقله هیئت عمومی بک
نظر تصویبیه عرض اولنور اقدم .

بویوک ملت مجلسی رئیس ثانیه سی

حسین رؤف

رئیس — شرف بکک اوچ آی مآذونیتینی قبول ایدنلر
لطفاً اللرینی قالدیرسون ! شرف بکک اوچ آی مآذونیتی
قبول ایدلمشدر اقدم !

اقتصاد وکالتی انتخاباتی :

رئیس — منحل بولنان اقتصاد وکالتنه اولجه اتخاب
اجرا ایدلدیکنده نصاب اکثریت بولنه مامشدی . ایکنجی

دفعه رایه وضع ایدیه جکدی . اقتصاد وکالتنه بویوک
اتخابی تکرار رأی عالیکزه وضع ایده جکم .

صالح افندی (ارضروم) — بومسئله اوزرینه سوز
سویله مک ایستهرم .

رئیس — بویورک افندم .

صالح افندی (ارضروم) — افندیلر ! مجلس عالی نک
حین تشککندن بویکونه قدر هر برمز متعدد تجربهلرله
آکلادق که : اقتصاد وکالتی ملکتمزده هیچ بر خدمته
بولنه مامشدر . و خدماتده بولنه مامسنی و بونک امکانی
اولمادیغنی ده قیمتی جلال بک تجربه سیله بوراده اثبات
ایتشدر . وضعیت حاضرهمزه نظراً بویکون اقتصاد
وکالتنک بر مدیریته قلبنده ، عجباً بر منفعتی ، بر مضرتی
واردر ؟ (منفعت صدالری) وکیل سابق جلال بک
بولنده هیچ بر فائده یوقدر دیمشدی . بزده بونی تجربه -
مزله آکله مشر ، تحقق ایتدیرمشز ؛ و وکالتک شمیدلک
بر مدیریت عمومی ایله اداره سی ده دوغریدر بویجهتی
تکلیف ایدیورم . (کورولتیلر)

رئیس — صالح افندینک کرسیدن بیاناتی تشکیلات
اساسیه ایله علاقه داردر . بونک ایچون سوز سویولمکدن
زیاده بر تکلیف واقع اولور . نظر عالیکزه عرض ایدیلور .
معامله کوریر قبول ایدیلور . رد ایدیلر . اوباشقه مسئله ..
حسین عون بک (ارضروم) — اقدم ! شمیدی
مقام ریاست اقتصاد وکالتی تبلیغ بویوریدلر ؛
معلوم عالیلریدر که : مقدما بر قاج آرقداش نامز کوستریله رک
احراز اکثریت ایدمه مشلردی . اتخاب بونک اوزرنده
جریان ایده جک . اتخابدن آکلامق ایسته دیکم شودر که :
بونی مجلس عالی می اتخاب ایده جک ؟ نامزدلر خارجنده
بر کیسه بی اتخابده مجلس سر بستمیدر ؟ (خایر صدالری)
شوجالده مجلسده رایه وضع ایدیلن آرقداش لر مزلهر حالده
نقصان رأی آلدقندن صوکره هر کس قناعتی محافظه ایده جکنه
قانم . او آرقداش لر مزدن جلال بک بوراده قبول ایتدیکنی
بیان بویورمشدی ، دیکر آرقداش لر مزدن رجا ایدرم .
آرزولری یوقسه صرف نظر بویورسون . بوشکاده مسکوت
ایتملرینی موافق بولام . بن کندیلرندن استرحام ایدرم .

برمتخصص وارد در؟ همز بر بریزی بیلیرز. فقط؛ ازجا
ایدیورم سنه لردنبری ازچوق بونکله مشغول اولمش، ای
کوتو اداره ایتش ومسائل اقتصادی حقنده کی اموری
اولدجه تدویر ایده بیله جک بر فکر ایدیش و بو کونکی
جایانلری احتوا ایتش بزات یوقیدر؟ بک اعلا وارد
جلال بک، بنده کز کندی حسابجه بو کرسیدن بر قاچ
دفعه هجوم ایتدم. ریا کارلق ایتیمورم، هجوم ایتدم و بنده
ایدرم. فقط؛ حتی سوبله مک لازم کلیرسه بک اعلا و موقی
اداره ایده بیله جکدر. بو قانونی ناقض قانون چیمدجه
بو قانونی لغا ایده جک بر قانون چیقارم دجه نامزدلکی
قبوله مجبورز.

رئیس — افندم! اقتصاد وکالتنه کوستریلن نامزدلرک
اسامیسنی تکرار او قوتدیر یورم:

بو یوک ملت مجلسی ریاست جلیله سنه
سری بکدن. انحلال ایتش اولان اقتصاد وکالتنه
آئیده اسملری محرر نامزدلردن برینک انتخاب بو یورمسی
رجا ایدرم افندم.

بو یوک ملت مجلسی رئیس:

مصطفی کال

- حسن بک (طرزون)
- جلال بک (صاروخان)
- مصطفی بک (قوزان)

رئیس — لطفاً افندم رأیلر یگری استعمال بو یور بکر.
[استحصا آرایه باشلاندی]

افندم! رأی ویرمه ن ذوات وارسه لطفاً رأیلرینی
استعمال ایتسونلر.

[رضا و امق بک (سینوب) ، رضا بک (استانبول) ،
سری بک (ارغنی) با قرعه تصنیف آرایه مأمور اولدیلر.]

صحبہ رکالتی وکیلکی انتخابی :

رئیس — افندم! اقتصاد وکالتی رأی بوصولری
تصنیف بو یورولنجه به قدر او قرائنایه مأموریت فوق العاده
ایله عزیمت ایدن رضانور بکه وکالت ایده جک ذاتک ده
انتخابی اجرا ایدیه جکدر. موافقت بو یورولورسه بر
طرفدنده اونک انتخابی اجرا ایدم. موافقت بو یورانلر

اکثریت الاماد قلدن دولای صرف نظر بو یورسونلر.
اگر هیئت جلیله نامزدلکی محافظه ایدیورسه هیئت
جلیله به او وقت تکرار عین نامزدلرک کلسی لازمدر ،
مجلس اکثریتله قناعتی اظهار ایتشدر . اونل اوزرنده
ظن ایدرم که : بویکی اوچ کون ظرفنده قناعتی تبدیل
ایده جک برسبب یوقدر ، بو تودیع وکالت مسئله سیدر .
بوراسی حل ایدلمدن انتخابه کچمک دوغری دکلدر .
رئیس — معلوم عالیکنز نامزد کوسترمک حقنی
مجلس عالیکنز ریاسته تودیع ایتشدر . ریاست اقتصاد وکالتی
نامزدی اوله رق اوچ ذاتی هیئت علیه کزه عرض ایتشدر .
کچن اجتماعده بو ذواتک اسامیسی او قومشدی و پاییلان
انتخابه اکثریت حاصل اوله مامشدی . شمدی تکرار
او قوتدیره جف ، اصولاً و نظامنامه داخلیمزک صراحة
کوستردیکی کبی تکرار رأیه وضع ایتک مجبورتی واردر .
و معامله بویله جریان ایدیور ، مقام ریاست آریجه معامله
ایفاسنه لزوم کورمیور . نظامنامه نک صراحة کوستردیکی
یولی تعقیب ایدیور .

بسم آتالای بک (کوتاهی) — افندم! اقتصاد
وکالتک مدیرته قلبی حقنده بر فکر واردر . بنده کز
بو تکلیفی موافق بولیورم . (موضوع بحث دکل سسلری)
رجا ایدرم مساعده بو یورک . بو وکالتی مدیرته قلب ایتسه ک
ینه بو تشکیلاتی محافظه ایتک مجبورتنده سکز . باقکز
عرض ایدیم ، تجارت ، زراعت ، اورمان ، بونلر وقتیه
آری ، آری بر نظارت ایدی . صکره بز بونلری بر لشدیرک .
وکالتنه ویردک . بو وکالت پایلماسه ایدی ای ایدی .
آری ، آری مدیریت عمومیه لر تشکل ایدردی و بونلره
عابد ایشلر تقسیم اعماله توفیقاً مدیر عمومیلره تفریق
ایدیلردی . شمدی ؛ بونی تکرار لغو ایدرک
بر مدیریت خانه افزاغ ایتک ایشلری تشویش ایده جکدر .
عرض ایتدیکم کبی اقتصاد وکالتی بویله مدیرته قلب
ایتک ایشلری تشویش ایده جکندن بونک مدیرته قایی
قطعیاً موافق دکل ، حال حاضرک ابقاسی طرفداریم .
صوکره اقتصاد وکالتی اداره ایده جک متخصص یوقدر
بو یورولدی . عجبا زده هانکی وکالتی اداره ایده جک حقیقی

لطفاً اللریخی قالدیرسون! (موافق صدالری) موافقت
ایدلمشدر .

صحیه وکیلی رضانور بکه وکالت ایده جک ذواتک اسامیسی
هیئت علیه به عرض ایدیله جکدر .

تورکیا بویوک ملت مجلسی ریاست جلیله سنه
وظیفه مخصوصه ایله بر مدت ایچون غیوبت ایدن
صحیه وکیلی دو قوتور رضا نور بک افندی به وکالة ایفای
وظیفه ایتمک اوزره زیرده اسملری محرر نامزدلردن
برینک انتخابی ایچون معامله لازمه نیک ایفا بویورلمسی
رجا ایدرم افندم . ۳۳۸-۵-۸

تورکیا بویوک ملت مجلسی ریسی
مصطفی کمال

دو قوتور فؤاد بک (بولی)

دو قوتور توفیق رشدی بک (منتشا)

دو قوتور فکرت بک (قوزان)

دو قوتور فکرت بک (قوزان) — آرقداشلردن
رجا ایدرم! بکارای ویرمسونلر . بنده کز قبول طرفداری
دکلم . اونک ایچون آرا طاغیلماسون .

صلاح الدین بک (مرسین) — او اسملری یازانلر
صورسه لرده باری قبول ایتمه جکلری یازماسلر .
(اسامی او قونمغه و آراستحصال اولونمغه باشلاندى .)
رئیس — افندم! رأیی ویرمه ن ذوات وارسه لطفاً
رأیلرینی استعمال بویورسونلر . تصنیف آرا ایچون
قرعه چکیله رک :

عصمت بک موجود ، حسین حسنی افندی اسپارطه
حسین حسنی افندی (اسپارطه) — راحتسزم . باشم
آغریبور . معذور کوریکز .

رئیس — افندم رجا ایدرم اصولی اخلاص ایتمه ییکز
صوکره تعامل اولور . (باقرعه تصنیف آرایه : عصمت
بک چوروم ، حسین حسنی افندی اسپارطه ، شکری بک
بولی ، مأمور اولدیلر .)

شرعیه دواتی انتخابانی :

رئیس — افندم . منحل بولنان شرعیه وکالتی نامزد .
لریخی هیئت علیه کزه عرض ایده جکم . فقط تنسیب

بویورورسه کز تنفس ایچون جاسه نی تعطیل ایدم
ویاتسیب بویورورسه کز انتخاباته دوام ایلیه م . (دوام ، دوام
صدالری) انتخاباته دوامی قبول بویورانلر لطفاً اللریخی
قالدیرسونلر ! انتخاباته دوام قبول اولندی افندم .
نامزدلر لیسته نی هیئت علیه کزه عرض ایدیورم .

تورکیا بویوک ملت مجلسی ریاست جلیله سنه
مصطفی فهمی افندی حضرتلرینک استفارلیله انحلال
ایدن شرعیه وکالتی ایچون آتیده محرر نامزدلردن برینک
انتخابنه مقتضی معامله ایفا بویورلمسی رجا ایدرم افندم .
تورکیا بویوک ملت مجلسی ریسی

مصطفی کمال

عبداه عزیزی افندی (اسکیشهر)

موسی کاظم افندی (قونیه)

حاجی سلیمان افندی (ازمیر)

موسی کاظم افندی (قونیه) — افندم! چوق استرحام
ایدیورم . بنده کز بووظیفه نی قطعاً یاهمام ؛ معذورم .
بنده کزه ویریه جک رأیلر ، دیگر آرقداشلره و مناسبلر-
ینه ویرلسون . چوق رجا ایدرم . استرحام ایدرم افندم .
صلاح الدین بک (مرسین) — بنده کزده رجا ایدرم
بو صورتله انتخاب ایچون مجلس عالی به تکلیف یاه جق ،
خطاب ایده جک ذوات کیلمرسه اونلری بیله م . ورأیلری
اوذواته ویرم افندم .

(شرعیه وکالتی ایچون آرا استحصالنه باشلاندى)

رئیس — رأیلرینی استعمال ایتمه ن ذوات وارسه
لطفاً رأیلرینی ویرسونلر! آرای تصنیفه باقرعه : نعمان
اوسته (استانبول) ، عمر ممتاز بک (آقره) ، محمد نادر
افندی (اسپارطه) مأمور اولدیلر .

مأموریه محاکمات هیئتی انتخابانی :

رئیس — افندم ! مأمورین محاکمات هیئتی انتخابانی
اولجه یالمشدی . وا کثرت حاصل اوله مامشدی . انتخابانی
تکرار اجرا ایده جکز . شعبه لردن نامزد کوسترینان
ذواتک اسامیسی مدار تنور اولور دیه بردها هیئت
علیه کزه عرض ایدیورور .

مأمورین محاکمات هیئتی ایچون شعبه لردن ارايه

ایدیلن نامزدلر

برنجی شعبه: مصطفی حلمی افندی نیکده ، مدحت
بك ماردین « توفیق بك درسم »

ایکنجی شعبه : شگری بك جانیک ، خلیل ابراهیم
بك آنطالیه ، نادر بك اسپارطه ،

اوچنجی شعبه: صالح افندی ارضروم « حاجی توفیق
افندی کنگری ، حسیب بك مرعش ، احمد افندی یوزغاد ،

تحسین بك ازمیر ، راغب بك آماسیه ،
دردنجی شعبه : مصطفی تقی افندی سیواس ، نجیب

بك ارطغرل ، حمدی افندی دیاربکر .
بشنجی شعبه : عمر لطفی بك صاروخان ، جاوید بك

قارص ، محمد شگری بك کمشخانه .
کچن انتخابده رأی آلانلر

مصطفی حلمی افندی نیکده ، (۷۳) مصطفی تقی
افندی سیواس (۴۶) ، جاوید بك قارص (۳۹) ، حاجی

توفیق افندی کنگری ، (۳۸) خلیل ابراهیم بك آنطالیه
(۵۱) ، صالح افندی ارضروم (۲۹) ، عمر لطفی بك

صاروخان (۲۹) ، نجیب بك ارطغرل (۲۷) ، مدحت بك
ماردین (۲۳) ، راغب بك آماسیه (۲۶) ، حسیب بك

مرعش (۲۱) ، تحسین بك ازمیر (۱۷) ، توفیق بك
وان (۱۹) ، حمدی افندی دیاربکر (۲۱) .

حسین عوفی بك (ارضروم) — اقدم ! بز ذاتا ،
براصول اتخاذا ایتمش ایدک . لطفآك فضلہ رأی آلانلری

رأیه وضع ایدرسکنز . ورأی اشاری ایله قبول ایدرز .
رئیس — سرأی اشاری بلکه اوچنجی انتخابده اوله بیلیر .

فقط نظامنامه نك صراحتنه بناء بویله انتخاب یایمق
مجبوریتنده یز .

اسماعیل شگری افندی (قره حصار صاحب) — بو
مسئله ، نظامنامه نك خارجنده و تعامل حکمنده در .

رئیس — سرریاست بونی یایامز . انتخابی تکرار رأیکز
وضع ایدیور . رأی اشاری اوچنجی دفعه اوله بیلیر .

(مأمورین محاکمات هیئتی ایچون آرا استحصال
اولندی)

رئیس — رأیلری ویرمهین ذوات لطفآ رأیلری

استعمال بوورسونلر .

آرایی تصنیفه باقرعه : مظهر بك اسکدار ، محمود
سسعید بك موش ، طورسون بك چوروم ، مأمور

اولدیلر .
رئیس — اقدم ! اون دقیقه تنفس ایچون جلسه یی

تعطیل ایدیوزم .
ختم جلسہ

دقیقه ساعت
۴ ۰

ایکنجی جلسہ
برأ مذاکرات

دقیقه ساعت
۴ ۱۰

[رئیس — رئیس ثانی حسین رؤف بك افندی]
کاتبلر : عاطف بك (قیصری) ، حقى بك (وان)

اقتصاد ، صحیه ، شرعیه وکالتلری انتخابانی :
رئیس — جلسه کشاد ایدلدی اقدم . دمین اجرا

ایدیلن اقتصاد صحیه وشرعیه وکالتلری انتخابانی نتایجی
هیئت جلیله کنزه عرض ایدیورم .

اقتصاد وکالتی انتخابنده رأیه اشتراک ایدن اعضانك عددی
۱۸۸ ، ۶۹ رأی حسن بك طربزون ، ۵۵ رأی جلال بك صارو

خان ۵۹ مستکف شوخالده معامله ناقصدر . بردها رأی
عالیکزه عرض ایدیله جکدر .

صحیه وکالتی انتخابنده رأیه اشتراک ایدن اعضا
۱۹۳ در . فواد بك (بولی) ۸۱ ، توفیق رشدی بك

(منشا) ۵۵ ، ۳۷ مستکف .. بوده اقدم ، بردها
رأی عالیکنزه عرض ایدیله جکدر .

شرعیه وکالتی انتخابنده رأیه اشتراک ایدن ۱۸۸ ، حاجی سلیمان
افندی (ازمیر) ۷۹ ، عبدالله عزیمی افندی (اسکیشهر)

۷۸ مستکف ۱۸ اقدم . بوندهده بر نتیجه حاصل
اوله مامشدر . بوده ایکنجی دفعه اوله رق رأیه وضع

ایدیله جکدر . مأمورین محاکماتی هیئتی حقیقده کی انتخابات
نتیجه سی ایسه هنوز ریاسته تبلیغ ایدلمدی . اوده کنگجه بالطبع
جلسه عالیکنزه عرض ایدیلر ..

مرکز قزاقچاری و برکوسی قانونک یکریمی برنجی
ماده سنک نصرلی مقننه کی قانونک مذاکره سی :

رئیس — افندم! مالیه و کالنتک مستعجلاً مذاکره سی طلب
ایتدیکی حرب قزاقچاری و برکوسنه عائد تشکیل ایدیه جک
مرکز قومیسوننه دائر بر لایحه وارددر . بو خصوصده
مالیه و کیلی بک افندی مجلس عالی کزه ایضاحات ویره جکدر .
تسبیب بو یوریره کز مذاکره سنه باشلایلم .

مالیه و کیلی حسن فهمی بک (کشخانه) — حرب
قزاقچاری و برکولرینه واقع اوله حق اعتراضلرک مرکزده
تشکیل ایده جک قومیسونده تمیزاً تدقیق حرب قزاقچاری
قرارنامه سنک ۲۷ نجی ماده سی اقتضاسنددر . معلوم
عالی لری بو استانبولده یا بلش بر قرار نامه در . هنوز مجلس
عالیکزک تدقیقندن کچمه مشدر . فقط مجلس عالی بر ماده
قانونیه ایله ۳۳۶ سنه سی نهایتلرینه دوغری قرارنامه سنک
تصتیقی قبول بو یوردی . اخیراً تقسیم طرینک رفی طرح
ایدیلن ویر کولرک تحصیلینده امر ایتدی . فقط بو یوریره
لرک اوزرینه ایکی بک کسور اعتراضنامه ویرلشدر .
بونلر تمیزاً تدقیق ایدیلوبده کسب قطعیت ایتدن اول
مجلس عالی نک قبول بو یوردینی قانون موجبنه مالیه و کالتی
تعقیباته دوام ایدیور . طشره لرده بر چوق تجارخانه لر
حجز ایدلشدر . بز تعقیباته دوام ایتکلر برابر قومیسونی
بر آن اول تشکیل ایدوب اعتراضلری بر آن اولدیکلر بوب
تحقیق ایده جک ویر کونک اصلی اوزرندن احکام قانونیه یی
تطبیق ایتک البته ده موافقدر . خلقک منفعتنه ، تجارک
منفعتنه وعدالته ده مطابقدر . قانونده تمیز قومیسونی
۱۶ اعضادن تشکیل ایده جک ، اوچی دفتر دارلق ایتمش
ذواتدن ، اوچی دفتر دارلق درجه سنده بولنان ذواتدن
بشی استیناف ریاستنده بولنمش ذواتدن .. بر کره آقره ده ده
بوشراطلی حائر اون آلتی اعضابولمق ، قومیسونی تشکیل
ایتمک امکانی یوقدر . بونک ایچون قرارنامه سنک یالکنز
بو برنجی فقره سنک تعدیلی تکلیف ایدلشدی . قوانین
مالیه و موازنه مالیه انجمنلری تدقیق ایدرک آلتی
اعضادن مرکب اولمق اوزره بو قومیسونک تشکیلینی
تسیت ایتشدر . استرحام ایدرم بونی بر آن اول قبول

ایدیره کز قومیسون ایفای وظیفه یه باشلار ، اعتراضنامه لر
تدقیق ایدیلور . و آله حق ویر کونک مقداری تعیین ایدر .
بزده او مقدار اوزرندن معامله یاپارز . بهوده خلقی
اضرار ایتمش اولماز . بناءً علیه ؛ مستعجلاً مذاکره سی
طلب ایدیورم . (موافق ، موافق سسلری)

رئیس — افندم! مالیه و کالنتک مستعجلاً مذاکره سی
طلب ایتدیکی قانونک اساساً هیئت جلیله کزجه مستعجلاً
مذاکره سی قبول ایدلشدر .

افندم! موازنه مالیه انجمنی مضطه سی او قونو جقدر .
حزب قزاقچاری قرارنامه سنک یکریمی یدنجی ماده سنک

تعدیلنه دائر قانونک اسباب موجب لایحه سی
حزب قزاقچاری قانونک یکریمی یدنجی ماده سی
موجبنه ترقی ویر کویه عائد اعتراضنامه لرک تدقیق ضمننده
تشکیل ایده جک مرکز تدقیق قومیسونی بر رئیس ایله
اون بش اعضادن مرکب اولوب آنجق رئیس ایله اعضالرک
اوچی دفتر دارلق ویا اونک فوقنده مالیه مأموریتلرنده
و دیگر اوچی اودرجه مهم مأموریتلرده بولنمش اولانلردن
مالیه نظارتجه ، اوچی محاکم رئیس ویا اعضاسی متقاعدیتندن
اوصاف لازمه یی حائر اولانلری میانندن عدلیه نظارتجه
و آلتیسی در سعادت تجارت او طه سی اعضا ویا مذکور
او طه ده مقیمه تجار میانندن تجارت او طه سنجه انتخاب
اولنه جتی محرر ایسه ده حسب الحال قانونک تعریف یلدیکی
اوصافی حائر اعضا تدارکی مستحیل بولنسنه بناءً قومیسون
مذکور اعضاسنک طقوزنه تنزیلی و اوچنک مأمورین
مالیه و دیگر مناسبلری و دیگر اوچنک مأمورین و حکام
عدلیه دن و اوچ ذاتک ده تجارت او طه سی اعضاسندن
تفریق و انتخابی موافق کورولمش و بوبانده تنظیم اولنان
ماده قانونیه مربوطاً تقدیم قیلنمش اولمقله اشبو اسباب
موجب لایحه سی تنظیم اولمشدر .

۱۲ مارت ۳۳۷

حزب قزاقچاری قرارنامه سنک یکریمی یدنجی
ماده سی تعدیلاً تنظیم اولنان لایحه قانونیه صورتیدر .
ماده ۱ — حرب قزاقچاری اعتراضنامه لرینک
تدقیقنه مأمور مرکز قومیسونی بر رئیس ایله طقوز

اعضادن مرکب اوله جق و رئیس ایله اعضادن اوچی مالیه و کالنتجه مأمورین مالیه و دیگر مناسبلری میانندن و اوچی مأمورین و حکام عدلیه دن و دیگر اوچی ده تجارت اوطه سی اعضاسی و یا مذکور اوطه ده مقید اعضا میانندن تفریق و انتخاب اولنه جقدر .

ماده ۲ — اشبو قانون تاریخ نشرندن اعتباراً مرعی الاجرادر .

ماده ۳ — اشبو قانونک اجراسنه داخلیه، عدلیه ،

مالیه و کیلیری مأموردر . ۱۶ مارت ۳۳۷ عدلیه و کالتی و کیلی شرعیه و کیلی اجرا و کیلیری هیئت رئیسی

محمد فهمی مدافعه ملیه و کیلی

فوزی

مالیه و کیلی خارجیه و کالتی و کیلی داخلیه و کیلی نامنه فرید احمد مختار احمد مختار

محیه و کیلی اقتصاد و کیلی نافع و کیلی معارف و کیلی دو قور رفیق محمود جلال عمر لطفی حمد الله صبحی ارکان حربیه عمومیه و کالتی و کیلی

فوزی

بیوک ملت مجلسی ریاست جلیله سنه

حرب قز انجلیری قرار نامه سنک یکر می یدنجی ماده سی تعدیلاً تنظیم اولنوب اجرا و کیلیری هیئتک ۱۶-۳-۳۷ تاریخنده کی اجتماعنده قبول ایدیلوب هیئت عمومیه دن ۲۴-مارت-۳۷ تاریخنده انجمنزده تودیع قیلنن لایحه قانونیه تدقیق قیلندی .

هیئت و کیله جه کوستریلن اسباب موجب انجمنز جه ده وارد و بجا کوریلهرک برنجی ماده ده کی اعضا عددی سکرزه تنزیل ایدلمک صورتیله برنجی ماده بروجه آتی صورتده انجمنز جه تعدیلاً و دیگر ماده لر عیناً قبول ایدلمکله کیفیت هیئت عمومیه به عرض اولنور .

ماده ۱ — حرب قز انجلیری اعتراضنامه لرینک تدقیقنه مأمور مرکز قومیسونی بر رئیس ایله سکرز اعضادن مرکب اوله رق رئیس ایله اعضادن ایکسی مالیه و کالنتجه مأمورین و منسویین مالیه و دیگر مناسبلری میانندن مالیه و کالنتجه و اوچی مأمورین و حکام عدلیه دن عدلیه و کالنتجه

دیگر اوچی ده تجارت اوطه سی اعضاسی و یا مذکور اوطه ده مقید تجار آره سندن تجارت اوطه سنجه تفریق و انتخاب اولنور . ۱۹ نیسان ۳۳۷

کاتب مضبطه بحری قوا این مالیه انجمنی رئیسی

موش قره حصار صاحب ار ضرورم

احمد حمدی محمد شکر می حسین عونی

ماردین قیصری قره حصار شرقی

نجیب رفعت مصطفی

حرب قز انجلیری قرار نامه سنک یکر می یدنجی ماده سنک تعدیلنه دأر قانونک اسباب موجب لایحه سی

حرب قز انجلیری قرار نامه سنک یکر می یدنجی ماده سی موجب جه مترقی ویرکویه عائد اعتراضنامه لرک تدقیق ضمنتده

تشکل ایده جک مرکز قومیسونی بر رئیس ایله اون بش اعضادن مرکب ایسه ده ماده مذکورده مندرج اوصافی

حاضر اعضا تدارکی مستحیل اولقله برابر بر جوق مصرف اختیارینی ده استلزام ایده جکندن قومیسون مذکورجه

تدقیق مقتضی اوراق اعتراضیه تک ۳۰ تشرین ثانی ۳۳۰ تاریخلی تمتع قانونک یکر می دردنجی ماده سی موجب جه

مرکزده متشکل تمیز قومیسوننده تدقیق ازهر جهت موافق کورولمکده اولدیغندن ماده مذکورده نی تعدیلاً

تنظیم اولنن قانونه مربوطا تقدیم قیلنه شد . حرب قز انجلیری قرار نامه سنک یکر می یدنجی ماده سی

تعدیلاً تنظیم اولنن قانون لایحه سی صورتی ماده ۱ — حرب قز انجلیری قرار نامه سنک یکر می یدنجی

ماده سی بروجه آتی تعدیل ایدلمشدر . حرب قز انجلیری مرکز قومیسونی ۳۰ تشرین ثانی

۳۳۰ تاریخلی تمتع قانونک یکر می یدنجی ماده سی موجب جه متشکل تمتع تمیز قومیسونی تشکیل ایدن رئیس و اعضا- لردن مرکبدر .

مذکور یکر می یدنجی ماده نک اشبو فقره به مخالف اولیان احکامی کما کان باقیدر .

ماده ۲ — اشبو قانون تاریخ نشرندن معتبردر . ماده ۳ — اشبو قانونک اجراسنه مالیه و کیلی

مأموردر . ۲۶ حزیان ۳۳۷

عذلیه و کیلی شرعیه و کیلی اجرا و کیلیری هیئت ریسی
رفیق شوکت فہمی و

مدافعہ ملیہ و کیلی
فوزی

مالیہ و کیلی خارجیہ و کیلی داخلہ و کیلی نامنہ
حسن حسنی یوسف کمال رفیق شوکت
اقتصاد و کیلی نافعہ و کیلی معارف و کیلی
عمود جلال عمر لطفی حمد اللہ صبغی

ارکان حربیہ عمومیہ و کالتی و کیلی صحیہ و معاونت اجتماعیہ و کیلی
فوزی دو قنور رفیق

قوانین مالیہ انجمنی مضبطہ سی

حرب قز انجلیری قرار نامہ سنہ ۱۳۳۷ یدنجی
مادہ سنک تعدیلنہ دائرہ هیئت و کیلہ نك ۲۶۱ جزیران ۳۷
تاریخی لایحہ قانونیہ سی و اسباب موجبہ مضبطہ سی
هیئت عمومیہ دن انجمنزہ حوالہ ایدلکک قرأت و تدقیق
اولندی . عین مادہ نك تعدیلنہ دائرہ مقدمات و وقوع بولان
تکلیف انجمنزہ تدقیق اولنہ رق کیفیت ۴ نومرولی
مضبطہ ایلہ قرارہ ربط ایدلمش و اخیراً انجمنزہ تدقیق
و قبول ایدلمن تمتع قانوننہ تدقیق ہیئت قبول ایدلمش
اولسنہ بناً انجمنزک قرار متخذینہ مغایر اولان
تکلیف جدیدک قبولی امکانی کوریلہ مدیکندن ردینہ
و بموجب حوالہ موازنہ مالیہ انجمننہ تودیغنہ قرار
ورلدی .

کاتب مضبطہ محرری رئیس انجمن
ماردین انطالیہ ارضروم
نجیب علی وفا حسین عونی
اعضا اعضا اعضا
اعضا عصمت بیغا محمد

اعضا اعضا
ایچ ایچ
حیدر لطفی

موازنہ مالیہ انجمنی مضبطہ سی

ری حرب قز انجلیری اعتراض نامہ لرینی تدقیق ایدہ جک

مرکز قومیسوننک قرار نامہ موجبہ تشکلی متعسر
اولدیغندن تعدیلاً تشکیلنہ ، دیگر ی قومیسون مذکور جہ
پایلہ جق تدقیقاتک تمتع تمیز قومیسوننہ تودیغنہ دائر
اجرا و کیلیری ریاستنک ۱۷ - ۳ - ۳۳۷ و ۲۷ - ۶ - ۳۳۷
تاریخی تذکرہ لریلہ هیئت عمومیہ دن محول ایکی قطعہ
لایحہ قانونیہ و قوانین مالیہ انجمنی مضبطہ سی انجمنزہ
تدقیق و مطالعہ اولنمشدر .

قوانین مالیہ انجمنی ۱۵ نیسان سنہ ۱۳۳۷ تاریخی
مضبطہ سنہ حکومتک برنجی تکلیفی اساس اعتباریلہ
قبول ایتمش ایدی . ایکنجی لایحہ و جہلہ مرکز قومیسونی
وظائفک تمتع تمیز ہیئنہ تودیغی صورتی ، دردست
تدقیق بولنان تمتع قانوننہ تمیز ہیئنک الفا ایدلسنہ مبنی
رد ایتمش ایسنہ تکلیف اولدہ مرکز قومیسوننک
تعدیلاً تشکلی اساسی تصویب ایتمش و تعجیل جبات
قانونیلہ تکلیف اولک لزوم قبولی دہا زیادہ کسب
مستعجلیت ایش اولدیغندن سرعتلہ تشکلی تسہیل
ایدہ جک صورتہ تکلیف اولک تعدیلاً قبولی انجمنزہ
دخی تسبب ایدلکک بوبادہ یکیدن تنظیم اولنان لایحہ
قانونیہ لاجل التصدیق ہیئت عمومیہ عرض و تقدیم
قیلنمشدر .

اعضا اعضا اعضا
ارضروم مبعوثی ادرنہ چوروم صاروخان
حسین عونی فائق عصمت احمد رشاد
اعضا

نیکدہ
وہی
حرب قز انجلیری ویرکوسی قانوننک یکر می یدنجی
مادہ سنی معدل لایحہ قانونیہ

مادہ ۱ - حرب قز انجلیری ویرکوسی اعتراض نامہ لرینی
تدقیق ایدہ جک مرکز قومیسونی بر رئیس ایلہ آلتی
اعضادن مرکبدر . رئیس ایلہ اعضادن ایکیسی مالیہ
و ایکیسی اقتصاد و کالتلری مأمورینندن اولمق اوزرہ
مذکور و کالتلر جہ ، ایکیسی دہ تجارت اوطہ سی اعضاسی
میاندن اوطہ جہ انتخاب اولنور .

مادہ ۲ - اشبو قانون تاریخ نشرندن اعتباراً

مرعی الاجراد .

ماده ۳ — اشبو قانونك اجرای احكامنه ماليه و اقتصاد
و كيلرى مأمورد .

رئیس — افندم ! قانونك هیئت عمومیه سی حقندہ
سوز ایستہین وارمی ؟ مادہ لره کچلمسنی قبول ایدنلر
لطفاً اللرینی قالدیرسون ! (قبول ایدلشدر)

مالیه و کیلی حسن فهمی بك (کمشخانه) — افندم !
بر سر لوحه یازالم که التباس واقع اولمه سون . « حرب
قازانجلیری ویرکوسی حقندہ کی قرارنامه نك ۲۷ نجی
مادہ سنك برنجی فقره سی بروجه آتی تعدیل ایدلشدر »
دیرسهك دها موافق اولور . وایکنجی مادہ لره لزوم
قالماز .

رئیس — زهیه افندم ؟

مالیه و کیلی حسن فهمی بك (دوامله) — سر لوحه یه
رئیس — افندم ! حرب قازانجلیری ویرکوسی حقندہ کی
قرارنامه دیه یازایدنر افندم . مالیه و کیلی حرب قازانجلیری
ویرکوسی حقندہ کی قرارنامه نك ۲۷ نجی مادہ سنك
برنجی فقره سی بروجه آتی تعدیل اولمشدر دیمسنی تکلیف
ایدیورلر .

حسین عونى بك (ارضروم) — افندم ! بو، نه
قانوندر، نه قرارنامه در . بر پروژہ در . بورادن یالکنز بر
قرارله کچمشدر . بو اکر بورانك قانونی دیه تلقی
بویوریله جقسه ماده، ماده مذاکره ایتمک لازمدر . بو پروژہ
حالتددر . استانبولده قرارنامه ماهیتده دکلدی .
پروژه سی انجمنده ایدی .

رئیس — افندم ! کرک انجمنك و کرک هیئت و کیله نك
تکلیف ایتمدیکی بو معدل لایحه نك سر لوحه سی قانون
لایحه سیدر دیور .

مالیه و کیلی حسن فهمی بك — افندم ! مساعده
بویورر میسکر ؟ واقعا حسین عونى بكك حق واردر .
بو استانبولده قرارنامه ماهیتی اکتساب ایتمه مشدی .
فقط ؛ هیئت جلیله بر ماده قانونیه ایله بونی قبول ایدنجه
ماهیت حقوقیه سی نه اولور ؟

لطیفی بك (ملاطیه) — او قانونك مادده مذاکره سندن
اول ناصل اولور ؟

مالیه و کیلی حسن فهمی بك (دوامله) — مجلس عالی
اونك تأمین مرعیتی ایچون قانون یاپدی . حتی مالیه
وکلتنه اعتراضلری قبول ایتمه باره لری تحصیل ایتمدی
ایکنجی قانون ایله بنده کزده دیورم که بر آن اول
قومیسون تشکیل ایده لمده هیچ اولمازه بر آن اول
اعتراضلری تدقیق ایده لم . خلق اضرار ایتمه لم . (موافق ،
موافق سسلری)

موسی کاظم افندی (قونیه) — افندم ! حرب
قازانجلیری حقندہ کی قانون کرک قرارنامه اولسون ، اساسی
نه اولورسه اولسون صوڪ قبول ایتمدیکنز ماده قانونیه
ایله اونى مجبوری تحصیل برحاله قلب ایدرک تحصیله قرار
ویردک . شوخالده بالجمله تکالیف مالیه نك مرجع تدقیق
واعتراضی واردر . بونك ده بر مرجعی اولوق اوزره
صلاحیتدار بر قومیسون تشکیل ایچون مالیه و کیلی بو
تکلیفی مجلسه ویریور . مقصدی اعتراضلری عاجلاً
تدقیق ایتمدیرمک و خلقك حقوقی صیانت ایتمکدر .
بناءً علیه ؛ بونك اصلی قرارنامه در . فقط بونی قبول
ایدنجه بوقانون اوله جقدر . اشکالی شویله اولسون بویله اولسون
دیہ کچیرر رسهك ساعت بساعت خلق متضرر اولور . اساس
ایستر قرارنامه اولسون ، ایستر قانون اولسون بو بر ماده ایله قبول
ایدلشدر . تفرعاتندن بالخاصه صرف نظر ایده بیلیرز . تفرعاتی
ذاتاً مقصود دکلددر . اساس بر ماده در . بو بر روحدر ، باره نك
تحصیلدر . روحی بوراده نشر ایتمدیکنز بر قانون ایله
قبول ایدلشدر . بو هم حکومتی ، هم خلقی اضرار ایتمه جک
برحاله بر قومیسونك تشکیلندن عبارتدر . بو ده خلقك
منفعتده در . بوراده ماده یی مناقشه ایتمکده بر معنی بو قدر .
(چوق دوغری صدالری)

بسم آتالای بك (کوتاهیه) — بوقانونك تعدیلی
مسئله سنده بنده کز زنکیلرک حمایه سنی کور بیورم .
ایشتمدیکنمه کوره متوسط حالیلردن چونجی حرب قازانجلیری
ویرکوسی ویرمشلردر . بو کون بو اعتراضی یاپانلرک بویوک
بر قسمی ، بویوک زنکیلردر . اکر مجلس عالی به ؛ بو
قانونك ویاخود قرارنامه نك تکرار تعدیلی ایچون کله جکسنى
بیلسه لردی اولوردو ویرمه جکلردی . ایکیده بر بویله

عصمت بك (چوروم) — افندم ! ماليه و كيلي حسن فهمي بك برادر من سرلوحه يي تصحيح ايتمك ايسته . ديگر سه ده ، سرلوحه نك تصحيح شكانده . تكليف ايتدكلري شي قانونده بر ماده اولمق لازم كايور .

بوسرلوحه يه لزوم كور ييورز . چونكه قانون بر ماده در . اوماده تعديللا شكلي كوسترييور . ديگر فقرا تي تعديل ايمه يور . اونك ايچون او تصحيحه لزوم يوقدر . چونكه او تشوشي موجب اوله جقدر . و دميني مناقشاتي ده او سرلوحه آچمشر . قرار نامه در ، دكلدر ديه مذا كره يي او آچدي . انجمنك تكليفي وجهله قانونك قبولي تكليف ايدرم .

عمر اطفي بك (آماسيه) — افندم ! بيليورز كه بو قانون بايلازي ظن ايدرم بر بچق ، ايكي سنه وقت كچدي . بو يكرمي يدي اعضا بولنوب طويلانامديني ايچون تمينه تابع تدقيقاتك هيچ بريسي بايلامادي . و بو بايلا مقسرين حرب قزانجلى و ير كوسنك همان طويلن تحصيلي دوعري دكلدر . بعض يرلر واردركه : بو و ير كولر جدا ياكلش تقدير ايدلمشدر . ينه دائره اتخا بيه سندن بحث ايدبيور ديمزسه كر آچيقل بر مثال عرض ايديم . ملكسته بوتون حرب قزانجلى و ير كوسنك يكوني بر بچق مليون ليرا قدر در . بونك ايكي بوزيك ليرا قدر ي آماسيه سنجاغسكلدر . شمدي رجا ايدرم بو تدقيقه دكرمي ، دكزمي ؟ شمدي بونلر بر بچق سنه دن بري تدقيق ايدلمد بكندن دولابي بودفته تماميله تحصيل ايدلمكده در . حالو كه مكلفينك دكل قدرت ماليه لري ، حتى بوتون سرمايه لري هيچ برشيلري مساعد اولمديني ايچون بوتون ماللري حجز ايدلمشدر . و بو خصوصه دائره تلغراف المقده يز . بز اورانك مبعوتلري ، حتى بز دكل ظن ايدرم ، او حواليدن كچن بوتون مبعوثان كرامده بوكا دائر تلغراف آلديلر . شو حالده يكرمي يدي اعضا طويلايوبده غايت اي بر تدقيقات پايديرم ديه ، هيچ بر شي ياپمه مقدسه بش ، آلي كشيلاك قوميسيونك تشكيلنه دائر اولان بوقانوني قبول ايدم . و بوقانوني بر قراره ربط ايدم . بورجي اولان بورجني بيلسون . حكومتده آله جفني آلسون رجا ايدرم .

قانونترك باخصوص بويه پاره يه عائد ، تحصيله عائد قانونترك تعديلده او غرامسي سوء تأثير حاصل ايدر .
اطفي بك (ملاطيه) — قانونك اساسنده تعديل يوق ...

بسيم آتالاي بك — وار افندم . اعضا تعديل ايدبيور . (يالكز اعضا تعديل ايدبيور صدرلري) بك اعلا افندم ! بونك چوق فرقي واردر . اعتراض حق وار . بونلر تدقيق ايديله جك ، فقط ؛ بوراده اعضا از انبيليور . اعضانك آزمسي دوعري دكلدر . بو هر حالده زنيكيلري حمايه در . بو تعديل تكليف ايدنلك فكر نده بويه برشي يوقدر . فقط ؛ قانونده بو واردر . بوميدانه چيقار افندم . بونك تعديل موافق دكلدر . بوقانونك تعديل ايديله جكني تجارلك اغزندن ايشتدم . ناصل كه روس آتونلري اولجه خارجدن ايشدوب طويلاتدير . دقلري كچي . . . رجا ايدرم افندم ! بنده كزجه موافق دكلدر .

حسين عوني بك (ارضروم) — افندم ! بو كچن سنه قوانين ماليه انجمنده مذا كره ايديلر كن ، بزه قرار نامه اوله رق و ير مشلردي . بوماهيتي اعتباريله بر پروژه ايدى . فقط استانبولده ..
تجسين بك (از مير) — قرار نامه در ، تطبيقده ايدلمشدر .

حسين عوني بك (دوامله) — اوراده مذا كره ايديلر كن مجلس سد ايدلمشدي . هنوز چيقدمي افندم . فقط ؛ بوراده هيئت جليله بر ماده ايله ضمناً ، ايستر قرار نامه اولسون ، ايستر باشقه تشكده اولسون ، قبول ايتشدر . فقط ؛ بو تصحيح ايدلسون ديه عرض ايتدم . بوقسه بوقانون ماهيتنده در . بر ماده ايله قبول ايدلمش و طبيعي قانون سره سنه كچمشدر . بوراده كي ماده بلك بويور دقلري كي دكل ، (۲۶) اعضانك (۷) اعضايه اينم سيدر . قوانين ماليه (۹) يامشدر . بر قسم اعضا قرار نامه موجبنجه هيئت حا كه دن آليوردى . موازنه ماليه بوكا لزوم كورمه مشدر . بناء عليه ؛ بزه بوني قبول ايدبيورز . (۷) اعضا مناسبدر . بوني بنده كز تكليف ايدبيورم .

صالح افندی (ارضروم) — عمر لطفی بك افندی
 بویر کولرک طرف حنده برحقسزلق اولدیغنی ، بسیم آتالای
 بکده هیئتک آزلغنی سویله مشردی که بنده کزده تصحیحاً
 و تعریفاً برشی عرض ایده جکم . معلوم عالیبری بوقرار نامه
 و یا خود بویان نامه هر هانکیسی اولورسه اولسون بو برپاره
 آلق اوزره وضع ایتیش اولدیغمز برشیدر . حرب قزانجیری
 ویرکوسی ۳۳۶ تاریخندن بوکونه قدر کیملره تخصیص
 ایدلمشدر . بوجه پیشین شرکتلره ، صکره تجارتله اشتغال ایدنلره
 صوکره شمندوفرله مال و — آره سوق ایدنلره و سائریه
 شمندی بومشله یی ایی تدقیق و تفکر ایدم بیلیرسه ک و ایی
 دوشونیرسه ک ...

محمد بک (بیغا) — بونلرک لزومی یوق .

صالح افندی (ارضروم) — نیم بعضی کندیمه عاُد
 تدقیقاتم واردر . بر آدمک بریسی نهایت ایکی متر و طول
 و عرضنده اولان بر او طده تجارتله اشتغال ایتیش بوکا ایکی
 بیگ لیرا قدر حرب قزانجی نامیایه برورکو طرح ایدلمش .
 صکره بریده استاسیون دفترینه مراجعت ایدوبده سوق
 پوصله لرینی اله آله جق اولورسه ق . (لزومی یوق قدر
 صدالری) لزومی واردر ظن ایدرم بک افندی . یوقسه
 ذات عالیبری ده کلیر بوراده سوبلر سکز . شمندوفر
 اداره سنه مراجعت ایدوبده سوق پوصله لرینی کوره جک
 اولورسه کز بو آدم ایکی اوچ سنه طرفنده بلکه ایکی یوز
 و اعون ذخیره سوق ایتیش . چوق پاره قزانمش اوکاده
 هیچ ویرکو طرح ایدلمه مشدر . شومشله یی تدقیق ایچون ایلک
 اوکجه طرح اولنان ویرکونک نسبت سز لکنه قیل اولمق لازمدر .
 اسمنی عرض ایتک ایسته مدیکم برچوق کیمسه لر بیلیرم ، که
 اولنره ۶۰ لیرا ، ۱۰۰ لیرا برپاره تخصیص ایدلمش . فقط
 یسه اونک کعبه دکل ، طویوغنه بیله چیقامیه جق بر آدمه
 اوتوز بیگ لیرا بوکله دلمشدر . صکره افندم ؛ تدقیق
 هیئته کنجه : برکره ایکیسی دفتر دارلقدن ، دیگر ایکیسی
 استیناف محکمه سندن ، ایکیسی ده تجارت او طه سندن منتخب
 ذواتدن بر قومیسون تشکیل ایدیله جکنی سویله دیلر .
 یا تجارت او طه سندن و یا مال مدیر لکندن هانکیسی اولورسه
 اولسون بو ایشی آکلا یه جق آدم لردن بو قومیسوننده

آدم بولونمسی لازمدر . فقط ؛ استیناف ریاستندن نه
 لزومی وار ؟
 سلیمان سری بک (یوزغاد) — استیناف یوق ،
 اقتصاد و کالتندن ..

صالح افندی (ارضروم) — اقتصاد و کالتندن ،
 اقتصاد و کالتی مأموریندن بوایشه اشتغال ایتیش — بیلمم که —
 یالکز تجارت مدیر عمومیسوی واردر . دیگر لری برشی
 آکلامازلر ، افندم ! تجارت او طه لرینه کنجه ، تجارت
 او طه لر تجه منتخب ذاتلر کنندی علیهلر بنده هیچ بر تدقیقانی
 حقیله ایفا ایده منزلر . حتی بونلرک ایچریسنده اوچنجی
 صنف تجاردن بردانه سنی بولامم . محجبا یا په جفم تدقیقانی
 نه صورتله یا په جفم . بنده کز بونک ایچون سویله قبول ایدرم که
 اقتصاد و کالتندن ایکی آدم ، دفتر دارلقدن یتشمش درت آدم
 و مجلس عالیدن ایکی ذات بوایشه ایی بر تدقیقات یا پوب
 خلق اوزرنده یا باجنی شیئی عادلانه بر صورتده یا مقول لازمدر .
 بنده کزک تکلیفم بوندن عبارتدر .

رئیس — برنجی ماده حقننده باشقه سوز ایسته یین وارمی ؟
 (خایر سسلی) او حانده برنجی ماده یی برده ها او قویورز .
 (برنجی ماده تکرار او قوندی) برنجی ماده یی قبول ایدنلر لطفاً
 آل قالدیرسون ! برنجی ماده اکثرت عظیمه ایله قبول ایدلمشدر .
 ایکنجی ماده یی رأی عالیکزه عرض ایدیورم . (ایکنجی
 ماده تکرار او قوندی) ایکنجی ماده یی قبول ایدنلر لطفاً
 آلدرنی قالدیرسون ! قبول ایدلمشدر .

(اوچنجی ماده تکرار او قوندی) اوچنجی
 ماده یی قبول ایدنلر لطفاً آل قالدیرسون ! اوچنجی
 ماده قبول ایدلدی . قانونک هیئت عمومیه سنی باشند
 او قویورق رأی عالیکزه عرض ایده جکم . (حاجت
 یوق سسلی)

مالیه و کیلی حسن فهیمی بک (کمشخانه) — افندم !
 سرلوحه ده یکر می یدنجی ماده سنک تعدیلی دیمش . یکر می
 یدنجی ماده سنک برنجی فقره سی اوله جق ، یالکز برنجی
 فقره سیدر افندم .

رئیس — مالیه و کیلنک تکلیف ایتدیکی وجهه
 یالکز برنجی فقره سنک تعدیلی قبول بو یور بیلور می افندم ؟

۲ — عطارلر و کورکچلر نظامناماسنک تدبیرانه دایر هیئت و کیله دن مورود لایحه قانونیه
 ۳ — غازی عینتاب مبعوثی علی جنانی بکک اخراج ایدیله جک توتولردن رسم اسقیفاسنه دایر تکلیفی
 ب — تذکره لر

۱ — مکتب مدیرلرینک معارف مدیری اولیان برلرده مجلس اداره ده بولنوب بولنه. یه جقلمینه دایر اجرا و کیللمی ریاستی تذکره سی

۲ — خیانت وطنیه ایله محکوم بافره لی غریقور ایله رفقاسی حقنده کی اوراقک کوندولدیکنه دایر عدلیه وکالتی تذکره سی

۳ — خیانت وطنیه ایله محکوم بافره لی ایراقلی ایله رفقاسی حقنده کی اوراقک کوندولدیکنه دایر عدلیه وکالتی تذکره سی

۴ — کاتب عدل و محاکم خرچلرینک تربیدینه دایر برای مذاکره مجلسه تقدیم ایدلمش اولان قانون لایحه سنک اکیال ایدلک اوزره اعاده سی حقنده اجرا و کیللمی ریاستی تذکره سی
 ج — اوراق متفرعه

۱ — ۲۳ نیشان تبریکنه دایر اسپارطه بلدییه رئیسینک تلغرافی

۲ — بروسه مبعوثی امین بکک جنجه جزالرینک جرای یقدی به تحویلنه دایر عدلیه وکالتنجه برقانون احضاری حقنده کی فی تقریری

۳ — کنج مبعوثی علی واصف بکک یوی غرتلره آیات کریمه واحادیث شریفه یازله مسنه دایر تقریری

۴ — دیوان ریاست قراری
 د — سوآلار

۱ — ایغ ایل مبعوثی شوقی بکک مرسمین متصرفی فخری بک حقنده کی سوآل تقریری

۲ — بایزید مبعوثی سلمان سودی بکک ژاندارمه یوزباشیسی صبحی بکک دایر داخلیه وکالتندن سوآل تقریری

- ه — اجرا ایدیله جک انتخابات
- ۱ — اقتصاد وکالتی ایچون اوچنچی دفعه
- ۲ — شرعیه » » ایکنچی دفعه
- ۳ — صحیه وکالتی وکیلکی » »
- ۴ — مأمورین محاکمات هیئتی ایچون اوچنچی دفعه
 و — مضبطه لر

۱ — استانبول انتخاباتی نتایجی حقنده برنجی شعبه مضبطه سی

۲ — قاش قضاسی تاجرلردن قوجه مصطفی ایله رفقاسنک اورمان مقاوله لرینک فسحی حقنده کی تکلیفه دایر اقتصاد انجمنی مضبطه سی

علی سروری افندی (قره حصار شرقی) — رئیس
 بک ! حرب قرانجلمی قانونی دیور ، حا بوکه قرار -
 نامه سیدر افندم !
 رئیس — حکومت قانون لایحه سی اوهرق کتیردی
 افندم !

علی سروری افندی (قره حصار شرقی) — خایر بکم !
 اوجهت دوغرو دکلمر . اولجه قرارنامه ایدی ، قانون دیمک دوغرو اولاماز . قرار نامه در و قرار نامه سنک برنجی فقره سی بوماده قانونیه ایله تعدیل ایدلمشدر .

رئیس — تنسیب بو یوریرسه کز تشریف ایدیکز ، قانون قبول ایدلمه دن فکر کزی بیان ایدیکز !

علی سروری افندی (قره حصار شرقی) — وازچکم ..
 رئیس — یالکز مالیه وکیلی حسن بکک بر تکلیفی واردر . اوکانظرأ سرلوجه شوویه اولیور : « حرب

قازانجلمی ویرکوسنک بکرمی یدنجی ماده سنک برنجی فقره سی معدل لایحه قانونیه » افندم ! بو تعدیلی قبول

ایدنر لطفأ آل قالدیرسون ! قبول ایدلمشدر . قانونک هیئت عمومیه سی قبول ایدنر لطفأ آل قالدیرسون ! قبول

ایدلمشدر . کرک تعدیل ، کرک قانونک هیئت عمومیه سی قبول ایدلمشدر . (تعیین اسامی ایله سسلری) افندم ! تعیین

اسامی به حاجت یوقدر . پنجشنبه کونی اوکله دن سوکرا ساعت ایکیده اجتماع اتمک اوزره جلسه سی تعطیل ایدیورم .

ختام مذاکرات

دقیقه ساعت

۵۵ ۴

اجتماع آلی روزنامه سی

۱ — ضبط سابقه سی

۲ — اوراق وارده :

۱ — تکالیف ولوایع قانونیه

۱ — آرتوبین وقارص وارده هان لوالرینه خارجدن ادخال ایدیله جک ذخیره رسمنه دایر هیئت وکیلنه دن مورود لایحه قانونیه .

۵ - جوابی ورود ایدن سؤال تقریرلری:

نومبر	صاحب سؤال	سؤال اولئان وکالت	سؤالک خلاصه سی
۱۴۹۵	سعد مصطفی صبری افندی	اقتصاد	مملکتک حیات اقتصادیه سنک تشوشنه دائر
۱۹۰۵	طونهلی حلمی بک	»	ارکلی جوارنده کی مانغانز معدنه وسائره به دائر
۱۵۵۷	ارضروم صالح افندی	معارف	قارص معارف مدیری جاوید بکک سبب عزلی حقنده
۴۲۴	جانیک نافذبک	هیئت وکیله ریاستی	تفکیلات اساسیه قانونک عدم تطبیق حقنده
۲۰۰۷	طونهلی حلمی بک	اقتصاد	ارکلی کور حوضه سی حقنده
۱۷۴۳	»	»	»
۱۵۴۶	ارضروم صالح افندی	مالیه	قیصری محاسبه جیسنک اختلاسی حقنده
۱۵۵۱	کلیبولی جلال نوری بک	اقتصاد	آسیقان وانکلز وارکلی معدن کورلرینه دائر
۱۵۸۸	توقاد رفعت بک	مدافعه مایه	عمله طابورلری حقنده
۱۷۸۷	آبدین تحسین بک	»	شمیداً وفات ایدن ملازم فرید افندیکن معاشی حقنده
۱۳۸۲	استانبول علی رضابک	اقتصاد	آطنه وجوارنده کی فابریقه لره دائر
۱۷۸۰	توقاد رفعت بک	مدافعه مایه	کاورور علی نام شخصک ایپکری حقنده
۱۹۹۰	استانبول علی رضا بک	نافعه	برقسم فابریقه آلات وادواته دائر
۱۵۴۹	دیاربکر قدری بک	صحیه	آنقره صحیه مدیری حقنده
۱۵۵۹	ارطغرل مصطفی کمال بک	مدافعه مایه	احتیاط ضابطانه مقام معاشی ویرله می حقنده
{ ۱۵۵۲	دیاربکر قدری بک	مدافعه مایه و مالیه	سقاریا حربنده فدا کارلق کوسترن ضابطانه استقلال مدالیه سی
{ ۱۵۵۴			ویرله می سینه دائر
۱۵۴۸	ایزیت حمدی نامق بک	صحیه	چیچک خسته لنی حقنده
۱۱۳۰	کوناهیه جمیل بک	هیئت وکیله ریاستی	اوکله تعطیللری حقنده
۱۲۹۷	دیاربکر زلنی بک	اقتصاد	احوال زراعیه مملکت دائر
۱۵۶۸	ایزیت حمدی نامق بک	هیئت وکیله ریاستی	استانبولدن کلن مأمورین حقنده
۲۵۲	قیرشهر صادق بک	داخلیه	پورته لرده وقوعه کلن تأخراته دائر
۱۷۷۳	توقاد رفعت بک	»	کسکین معدنی روملری حقنده
۱۷۹۱	یوزغاد سلیمان سری بک	»	آیاشده چیچک خسته لنی حقنده
{ ۱۵۸۲	وان حسن بک	داخیه و صحیه	وانده قودوران اشخاص حقنده
{ ۱۵۸۳			خرجراه صرفیاتنده کی یولسزلفه وسائره به دائر
۱۸۸۱	ایچ ایل شوق بک	داخلیه	تکالیف مایه به عائد غروشلی مضطهلر حقنده
۱۹۴۱	قونیه کاظم حسنی بک	»	اون ایکی ماده دن ناحث
۴۲	ادرنه شرف بک	شرعیه	سکیز ماده دن باحث
۴۱	»	اقتصاد	استاسول مالیه نظارتجه صالحسنه تثبیت ایدیلن اشیا و مواد مختلفه
{ ۴۵	استانبول علی رضابک	مالیه و نافعه	حقنده
{ ۴۶			وسائط نقلیه حقنده
۸۵	آنقره مصطفی افندی	مدافعه مایه	زینت اشیا سی قانونی حقنده
۱۲۲	کوناهیه راغب بک	مالیه	وسائط نقلیه حقنده
۱۲۴	سیوه ریک لطفی بک	نافعه وکالتی	توقاد اخذ عسکر شعبه سی حقنده
۲۲۱	توقاد رفعت بک	مدافعه مایه	زراعت و برلرینه و یلن خرچراهه و مواد سائره به دائر
۲۶۷	ارغنی حقی بک	اقتصاد	معلول غازیلردن یالکیز بردانه استثنائه مکافات اعطای ایدیلن سینه دائر
۳۵۰	بتلیس وهبی بک	مدافعه مایه	آنقره باغلرینک تخریباتی حقنده
۱۹۸	قره سی بصری بک	مدافعه مایه	

۲ - غایت مستعمل روزنامه :

- ۱ - حسین عوفی بک تکلیفی
- ۲ - سکنا قانونی و عقار آمدن بدل ایچاریتک بوزده اونی
- ۳ - معینسر افراد معاشاتی حقنده کی لایحه قانونیه
- ۴ - دیوان تمیز عسکری لایحه قانونیه سی (انجمنده)
- ۵ - ولایات شرقیه مهاجرین و یر بله جک کراسته به داتر لایحه قانونیه
- ۶ - رسنه لی نیازی بک عالمه سیله طایف بکه مخصوص معاشاتک دوام تسویه سی حقنده کی تکلیف
- ۷ - سینوب حریر ذکاتی کراسته لری حقنده کی تکلیفه هیئت عمومی به توجیها مذاکره سی قبول ایدلش اولان لایحه و تکلیف قانونیه
- ۸ - بلدیله لری طرفندن جلب ایدیله جک اجزای طیه تک کرک رسندن استئناسنه داتر تکلیف
- ۹ - حمایه اطفال جمعیتندن پوسته و تلغراف اجرتی آلمانسته داتر تکلیف

روزنامه

- ۱ - ۳۳۸ سنه سی داخلیه بودجه نه ملحق بودجه لری
- ۲ - نواحی قانونی (صالی کونلری تخصیص ایدلشدر)
- ۳ - روزنامه مذاکرات حقنده مذاکره
- ۴ - حکومت ملیه تک تشکلیندن اول آلمان مبالغه حقنده مرعش مبعوثی تحسین بکله فقاسنک تکلیفک ردینه داتر لایحه انجمنی مضبطه سی
- ۵ - جنجه ایله حبس جزاسنک جزای نقدی به تحویلی حقنده بیل بک تکلیفک ردینه داتر لایحه انجمنی مضبطه سی
- ۶ - چای و قهوه فی فضلہ صائانلردن تمتع و یرکوسی اخذی حقنده کی تکلیفک ردینه داتر لایحه انجمنی مضبطه سی
- ۷ - ۶۵ یاشنی تجاوز ایدن محبوسین حقنده کی تکلیفک ردینه داتر لایحه انجمنی مضبطه سی
- ۸ - مسکن ایچارلردن ایکی آیلغناک حزب و یرکوسی اوله رق اخذی حقنده کی تکلیفک ردینه داتر لایحه انجمنی مضبطه سی
- ۹ - ملاطیه مبعوثی صدق بک فراریلر حقنده کی تکلیفک شایان مذاکره اولدیقنه داتر لایحه انجمنی مضبطه سی
- ۱۰ - حوطامشلی خلیل و رفقاسی حقنده عدلیه انجمنی مضبطه سی
- ۱۱ - قیرشهر موقوفینی حقنده
- ۱۲ - ضابط و کیلی محمد علی افندی حقنده عدلیه انجمنی مضبطه سی
- ۱۳ - طاشجی یوزکی حقنده عدلیه انجمنی مضبطه سی
- ۱۴ - ماردینلی سلیمان حقنده
- ۱۵ - خلیل اوغلی عبدالله و رفقاسی حقنده عدلیه انجمنی مضبطه سی
- ۱۶ - منع مسکرات قانونیه توفیقاً محکوم ایدیلنلر حقنده عدلیه انجمنی مضبطه سی
- ۱۷ - قانون جزاتک مواد مخصوصه سنک تعدیلی حقنده کی لایحه به داتر عدلیه انجمنی مضبطه سی
- ۱۸ - بوزقیردن مصطفی اوغلی علینک عوفی حقنده عدلیه

انجمنی مضبطه سی

- ۱۹ - آقشهر دن علی اوغلی ولینک عوفی حقنده عدلیه انجمنی مضبطه سی
- ۲۰ - خیانت وطنیه محررینندن بر قسمنک عوفی حقنده کی قانونک تفسیرینه داتر عدلیه انجمنی مضبطه سی
- ۲۱ - آنطالیه و سایر محالردن کی تشکیلات ملکیه حقنده کی تکلیفک داخلیه و کالته تودیی حقنده داخلیه انجمنی مضبطه سی
- ۲۲ - بلدیله اباسنک بلدیله مجلسلرینه اعضای طبعیه اوله رق دوام لری حقنده کی لایحه قانونیه نک ردینه داتر داخلیه انجمنی مضبطه سی
- ۲۳ - سینوبده ترسانه محلنده کی بناحقنده داخلیه و قوانین مالیه انجمنلری مضبطه لری
- ۲۴ - مأمورین محاکماتک تعدیله داتر تکلیفک ردی حقنده عدلیه، داخلیه انجمنلری مضبطه لری
- ۲۵ - موازنه انجمنی مدبری معاشنک بودجه به علاودسی حقنده موازنه مالیه انجمنی مضبطه سی
- ۲۶ - مجلس اقلاننده تحت سلاحه آلمانلرک معاشاتی حقنده موازنه مالیه انجمنی مضبطه سی
- ۲۷ - مراقبه و موازنه مالیه انجمنلرک مراقبه به داتر تکلیف لری
- ۲۸ - تقدیرنامه ایله تلطیف قانونک تفسیری حقنده مدافعه ملیه انجمنی مضبطه سی
- ۲۹ - فرید افندیک تطبیقک تأخیری حقنده مدافعه ملیه انجمنی مضبطه سی
- ۳۰ - یم و تعینات حقنده مدافعه ملیه انجمنی مضبطه سی
- ۳۱ - قانون اساسی انجمنی مضبطه سی
- ۳۲ - آنقره باغلرنده کی تحریکانه داتر استدعای اوزرینه استدعا انجمنی مضبطه سی
- ۳۳ - آنقره اوقاف مدیری علی رضا افندیک صورت عزلنه داتر استدعا انجمنی مضبطه سی
- ۳۴ - عثمان اوغلی علی حقنده عدلیه انجمنی مضبطه سی
- ۳۵ - بلدیله قانونک تعدیلی حقنده آماسیه مبعوثی رضا بک تکلیفک ردینه داتر لایحه انجمنی مضبطه سی
- ۳۶ - تخصیصات قبیلندن قرای موقوفه اعشاری حقنده مصطفی افندیک تکلیفنه داتر شریعه و اوقاف انجمنی مضبطه سی
- ۳۷ - رحمت رسمیه ایله کیدوب عودتلرنده اشقیبا طوفندن شهید ایدیلنلر حقنده انجمنلر مضبطه سی
- ۳۸ - ممالک مشغوله مأمورین خصوصیه سیله معلوله و یر بله جک خرچراهلر حقنده مضبطه
- ۳۹ - طبوعات قانونک تعدیلی حقنده کی تکلیفک ردینه داتر عدلیه انجمنی مضبطه سی
- ۴۰ - محکمه تمیز قادروسی حقنده کی تکلیفک ردینه داتر عدلیه انجمنی مضبطه سی
- ۴۱ - آکنه دفتر خاتانی قیوداننده کی غیرقانونی معا مله نک تصحیحی حقنده لایحه قانونیه
- ۴۲ - زینک اشیاشیاسی قانونک تعدیلی حقنده لایحه آنقره : نورکیا بوپوک ملتر مجلسی مضبطه سی